

# TSCHANTAMAINTS

## da la società Grotta da cultura Sent

---

### 1. Nom e residenza

- 1.1 La società Grotta da cultura es üna società i'l sen da l'art. 60 e seg. dal cudesch civil svizzer, cun sez a Sent. definiziun
- 1.2 Ella es politicamaing e confessionalmaing neutrala. politica
- 1.3 Las linguas da la società Grotta da cultura sun rumantsch e tudais-ch. lingua

### 2. Mera, böt, incumbenzas specialas

- 2.1 La società Grotta da cultura ha sco mera, da promover cultura ed inscuters a Sent. mera, böt in general
- 2.2 Ella cultiva la collavuraziun cun otras societats culturalas.

### 3. Commembranza, dret da vuschar

- 3.1 Commember/ra da la società po d'vantar mincha persuna chi paja la contribuziun annuala ed ha cumpli 16 ons e chi sustegna ils böts e las activitats da la società. commemoranza singuls
- 3.2 Persunas juridicas pon d'vantar commembers da la società. Ellas han dret d'üna vusch. Quella ha dad esser preschainta in radunanza sco vusch singula. personas juridicas

### 4. Finanzas, facultà, responsabilità

- 4.1 La entradas da la società as cumpuonan da contribuziuns da commembers, otras contribuziuns, donaziuns e d'entradas d'arrandschamaints. finanzas, facultà
- 4.2 Per impegn da la società sta bun be la facultà da la società. Mincha responsabilità persunala es esclusa. responsabilità

### 5. Organisaziun

- 5.1 Ils organs da la società sun: organs
- 5.1.1 la radunanza generala
- 5.1.2 la suprastanza
- 5.1.3 ils/las revisurs/as da quint
- 5.2 La radunanza generala rad. generala
- 5.2.1 La radunanza generala es l'organ superiu da la società Grotta da cultura. Ella vain banninda da la suprastanza e vain salvada annualmaing i'l cuors dal prüm quartal. descripziun
- 5.2.2 Radunanzas generalas extraordinarias pon gnir convochadas da la suprastanza o sün dumonda d'almain 1/5 dals commembers/ras. rad. extraordinaria
- 5.2.3 La bannida a la radunanza generala o extraordinaria culla glista da tractandas ha da seguir almain 10 dis ouravant, in scrit, in rumantsch ed in tudais-ch. bannida
- 5.3 La radunanza generala ha las seguintas incumbenzas: incumbenzas
- 5.3.1 stipular ils tschantamaints
- 5.3.2 tscherner il/la president/a e la suprastanza tschernas
- 5.3.3 tscherner duos revisurs/as da quint

- |       |                                                                                                                                                                                                                                       |                      |
|-------|---------------------------------------------------------------------------------------------------------------------------------------------------------------------------------------------------------------------------------------|----------------------|
| 5.3.4 | approvar:<br>> il protocol da l'ultima radunanza<br>> il rapport presidial<br>> il rapport da la chascha, tenor proposta da la revisiun<br>> ils differents rapports da gestiun<br>> ils programs da lavur per l'on ventur da gestiun | protocol<br>rapports |
| 5.3.5 | fixar las contribuziuns annualas                                                                                                                                                                                                      | contrib. annualas    |
| 5.4   | La suprastanza                                                                                                                                                                                                                        | suprastanza          |
| 5.4.1 | La suprastanza as cumpuona da tschinch fin set commembers/ras. Ella as constituïscha s'vess.                                                                                                                                          | descripziun          |
| 5.4.2 | Ella vain tschernüda per duos ons ed es reelegibla.                                                                                                                                                                                   | dürada               |
| 5.4.2 | Ella rapreschainta la società vers l'extern ed evada ils affars da la società, scha quels nu sun delegiats ad oters organs o cumischiuns.                                                                                             | funcziun             |
| 5.5   | Ils/las revisurs/as da quint                                                                                                                                                                                                          | revisiun             |
| 5.5.1 | Ils/las revisurs/as da quint vegnan tschernüts/das per duos ons e sun reelegibels.                                                                                                                                                    | dürada               |
| 5.5.2 | Els/ellas han da controllar il quint da gestiun e'l stadi da facultà da la società e da preschantar ün rapport in scrit a man da la radunanza generala.                                                                               | rapport              |

## 6. Schoglimaint da la società

- |     |                                                                                                                                                                                                                                                                               |              |
|-----|-------------------------------------------------------------------------------------------------------------------------------------------------------------------------------------------------------------------------------------------------------------------------------|--------------|
| 6.1 | Ün schoglimaint da la società Grotta da cultura sto esser decis d'almain 2/3 dals/da las commembers/ras. Sch'üna prüma radunanza generala nun ha la frequenza sufficiainta, schi po üna seguonda radunanza generala decider cun majorità relativa dals/da las preschaints/as. | schoglimaint |
| 6.2 | In cas d'ün schoglimaint da la società Grotta da cultura dess gnir depositada sia facultà pro la Banca Chantunala Grischuna e gnir administrada dal cumün da Sent.                                                                                                            |              |
| 6.3 | Scha infra 10 ons nu vain fundada ün'otra società culs istess böts, scrouda la facultà definitivmaing ad ün fuond da cultura administrà dal cumün da Sent.                                                                                                                    | successiun   |

## 7. Disposiziuns transitorias e finalas

- |     |                                                                                                                                                             |                  |
|-----|-------------------------------------------------------------------------------------------------------------------------------------------------------------|------------------|
| 7.1 | Propostas per müdar o reveder ils tschantamaints sun d'inoltrar a la suprastanza. La radunanza generala sto tillas approvar cun üna majorità da duos terzs. | revisiun statüts |
| 7.2 | Quists tschantamaints sun gnüts acceptats da la radunanza da fundaziun dals 1. avrigl 2006.                                                                 | entrada in vigur |

7554 Sent, 1. avrigl 2006

Il president: *Gian Andri Albertini*

L'actuar: *Jörg Büchel*